



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (K&P)
SETIAUSAHA AKHBAR**

5 MAC 2020 (KHAMIS)



KEMENTERIAN PERDAGANGAN DALAM NEGERI
DAN HAL EKRAL PENGGUNA

**KERATAN AKHBAR
DAN MEDIA ONLINE
(KPDNHEP)**

5 MAC 2020 (KHAMIS)

Dua kilang bungkus minyak disita

Disyaki membekal minyak masak bersubsidi secara haram

Oleh NORAWAZNI YUSOF

KUANTAN

Kementerian Perdagangan Dalam Negeri dan Hal Ehwal Pengguna (KPDNHEP) Pahang menyita dua kilang pembungkusan minyak masak di sini disyaki membekalkan minyak masak bersubsidi secara haram.

Hasil serbuan berasingan ke atas kilang di Sungai Soi dan Gambang di sini pada 2 dan 3 Mac lalu, sebanyak 16,972 kilogram minyak masak dianggarkan bernilai RM52,455 turut dirampas.

Timbalan Pengarah KPDNHEP Pahang, Ahmad Fitri Ali



Ahmad Fitri (tengah) memeriksa bungkus minyak masak di kilang pembungkusan bahan itu di Gambang yang diserbu pada 2 dan 3 Mac lalu.

berkata, kegiatan menyeleweng minyak masak bersubsidi di kilang itu terbongkar hasil siasatan dan risikan yang dilakukan pihaknya susulan serbuan di sebuah premis tidak berlesen di Lorong Seri Mahkota Aman 1 pada Ahad lalu.

Menurutnya, KPDNHEP

Pahang berjaya mengesan dan mengenal pasti rangkaian pembekal dan pembeli sehingga membawa kepada serbuan ke dua kilang pembungkusan bahan keperluan masakan itu.

"Hasil pemeriksaan mendapati mereka (kilang) ada membekalkan minyak masak secara

pukul kepada premis yang tidak berlesen di Lorong Seri Mahkota Aman 1 sebanyak 10 metrik tan pada Ahad lalu selain tidak membungkus sebagaimana yang disyaratkan dalam lesen," katanya.

Beliau berkata demikian ketika ditemui pemberita selepas serbuan dilakukan di sebuah kilang pembungkusan minyak masak di Gambang di sini.

Ahmad Fitri berkata, berikutan serbuan tersebut, pihaknya berjaya menahan lima pekerja di dua kilang itu berusia antara 50 hingga 64 tahun.

Jelasnya, kes disiasat mengikut Akta Kawalan Bekalan 1961 dan Peraturan-Peraturan Kawalan Bekalan 1974.

"Akta ini memperuntukkan hukuman bagi individu, denda sehingga RM1 juta atau tiga tahun penjara atau kedua-duanya sekali bagi kesalahan pertama manakala bagi kesalahan kedua dan berikutnya, denda sehingga RM3 juta atau penja-

ra tidak lebih lima tahun.

"Bagi pertubuhan atau perbadanan, denda sehingga RM2 juta bagi kesalahan pertama dan kesalahan seterusnya, denda sehingga RM5 juta," katanya.

Dalam pada itu, Ahmad Fitri berkata, minyak masak bersubsidi yang dibekalkan kepada kilang pembungkusan itu untuk kegunaan di Pahang tetapi ia dibawa keluar dan diselewengkan bagi tujuan keuntungan.

"Kita syak minyak ini dibawa keluar dan kemungkinan dijual di negeri sempadan atau industri yang jelas menyalahi undang-undang.

"Kita beri amaran kepada semua pembungkusan dan pemborong minyak masak supaya mematuhi peraturan ditetapkan," katanya.

Tegasnya, pihak KPDNHEP akan terus membuat pemantauan dari semasa ke semasa demi memastikan keperluan pengguna dipenuhi dan peniaga perlu patuhi peraturan tersebut.